

Skólahljómsveit Vesturbæjar og Miðbæjar

Starfsáætlun skólaárið 2022-2023



Ingi Garðar Erlendsson
Stjórnandi Skólahljómsveitar Vesturbæjar og Miðbæjar
ingi.gardar.erlendsson@rvkskolar.is

Inngangur	3
Áætlað umfang starfsins næstkomandi skólaár	3
<i>Nemendafjöldi</i>	<i>3</i>
<i>Dreifing nemenda milli skóla</i>	<i>3</i>
<i>Dreifing milli hverfa í vesturhluta Reykjavíkur</i>	<i>4</i>
<i>Dreifing nemenda eftir hljóðfærum</i>	<i>4</i>
Dreifing nemenda eftir árgöngum.....	5
Kynjahlutfall.....	5
Kennarar og stjórnendur.....	5
Aðstaða – til kennslu og hljómsveitaæfinga	6
Almennt um kennsluaðstöðu SVoM.....	6
Vesturbæjarskóli (Heimastöð)	7
Grandaskóli.....	7
Melaskóli.....	8
Austurbæjarskóli.....	8
Háteigsskóli.....	8
Hlíðaskóli	8
Mótun húsnæðisstefnu	8
Kennsluhættir	9
Hljómsveitaæfingar	9
Hljóðfærakennsla.....	9
Slagverkskennsla.....	10
Tónfræði.....	10
Foreldrasamstarf	10
Foreldraviðtöl.....	111
Helstu viðburðir	11

<i>Áætlaðir viðburðir 2022-2023.....</i>	<i>11</i>
<i>Æfingabúðir og æfingadagar.....</i>	<i>11</i>
<i>Tónleikahald og spilamennskur</i>	<i>13</i>
<i>Biðlisti</i>	<i>13</i>
<i>Skóladagatal.....</i>	<i>13</i>
<i>Áherslur í starfsáætlun sfs sem skólahljómsveitin vinnur að.....</i>	<i>14</i>
<i>Mat á námsárangri.....</i>	<i>14</i>
<i>Endurmenntun.....</i>	<i>14</i>
<i>Lokaorð</i>	<i>15</i>
<i>Skóladagatal 2021-2022.....</i>	<i>15</i>

INNGANGUR

Skrifstofa Skóla- og frístundaráðs óskar eftir starfsáætlunum skólahljósveita í Reykjavík fyrir skólaárið 2022-2023. Tilgangur starfsáætlunar er að gera þróun starfsins markvisst með árangursmiðuðum markmiðum og umbótamiðuðu innra mati. Hún á að sýna starfsfólki, foreldrum og rekstraraðilum hvernig starf skólahljósveitarinnar er uppsett og hvernig verði unnið að umbótum og nýjum verkefnum á næstu árum.

ÁÆTLAÐ UMFANG STARFSINS NÆSTKOMANDI SKÓLAÁR


NEMENDAFJÖLDI

Heildarfjöldi nemenda hjá Skólahljósveit Vesturbæjar og Miðbæjar í hljóðfæranámi er 159 frá hausti 2022. Nemendur koma úr 12 grunnskólum. Einnig stunda 8 nemendur sem komnir eru í framhaldsskóla hljóðfæranám hjá hljósveitinni.

Nemendur úr öðrum tónlistarskólum fá að spila með í hljósveitunum og í vetur eru nemendur sem ekki stunda hljóðfæranám hjá okkur en spila með hljósveitunum 10 talsins. Nemendur skólahljósveitarinnar eru því í heildina 169.

DREIFING NEMENDA MILLI SKÓLA

Nemendur hljósveitarinnar dreifast niður á skóla eins og myndin sýnir:



DREIFING MILLI HVERFA Í VESTURHLUTA REYKJAVÍKUR

Nemendur dreifast niður á póstnúmer á eftirfarandi hátt.


Póstnúmer 101: 73 nemendur

Póstnúmer 102: 6 nemendur

Póstnúmer 105: 36 nemendur


Póstnúmer 107: 49 nemendur

Önnur hverfi í RVK: 5 nemendur




DREIFING NEMENDA EFTIR HLJÓÐFÆRUM

Skólahljómsveit Vesturbæjar og Miðbæjar kennir á öll tré- og málmblásturshljóðfæri, slagverk og rafbassa. Hljóðfærin dreifast einsog myndin sýnir:



DREIFING EFTIR ÁRGÖNGUM

Hér er dreifing hjá SVoM eftir árgöngum skólaárið 2022-2023.



KYNJAHLUTFALL

Haustið 2022 stunda 84 drengir og 85 stúlkur nám við Skólahljómsveit Vesturbæjar og Miðbæjar.

Kynjahlutfall kennara og starfsmanna SVoM haustið 2022 er 5 kvenkyns og 8 karlkyns.

KENNDARAR OG STJÓRNENDUR

Kennarar Skólahljómsveitar Vesturbæjar og Miðbæjar eru 13 ásamt skólahljómsveitarstjóra, aðstoðarskólahljómsveitarstjóra og deildarstjóra. Skólahljómsveitarstjóri er með aðstöðu í Vesturbæjarskóla, heimastöð, og stjórnar þar öllum samæfingum hljómsveitanna þriggja sem fram fara í matsal Vesturbæjarskóla. Einkatímar eru kenndir í sex skólum hverfisins: Vesturbæjarskóla, Grandaskóla, Melaskóla, Austurbæjarskóla, Háteigsskóla og Hlíðaskóla. Skólastjórnandi er aðalstjórnandi allra hljómsveita, O(fur)-, A-, B- og C-sveit. Ásamt honum er deildarstjóri slagverks (20%) með viðveru á hljómsveitaræfingum og sér um uppsetningu slagverks. Deildarstjóri hefur jafnframt yfirumsjón með öllum

slagverksbúnaði. Aðalstjórnandi sér um allt sem kemur að stjórnun hljómsveitanna svo sem verkefnaval, skipulag æfingabúða og æfingadaga, tilfallandi spilamennskur og annað.

Aðstoðarskólahljómsveitarstjóri (20%) sér um skrifstofuvinnu í samstarfi við skólahljómsveitarstjóra ásamt því að hafa yfirumsjón með tónfræðikennslu skólans.

Starfsmenn SVoM skólaárið 2022-2023:

Ingi Garðar Erlendsson, skólahljómsveitarstjóri og stjórnandi allra hljómsveita

Þórunn Björnsdóttir, aðstoðarskólahljómsveitarstjóri og tónfræðikennari

Svanhildur Lóa Bergsveinsdóttir, deildarstjóri og slagverkskennari (í fæðingarorlofi til 1. mars 2023)

Baldvin Ingvar Tryggvason, klarinettu- og saxófónkennari

Bára Sigurjónsdóttir, klarinettu- og saxófónkennari

Bjarni Freyr Ágústsson, málmblasturshljóðfærakennari

Darri Mikaelsson, málmblasturshljóðfærakennari

Guðjón Steinn Skúlason, klarinettu- og saxófónkennari

Heimir Ingi Guðmundsson, málmblasturshljóðfærakennari

Lilja Valdimarsdóttir, málmblasturshljóðfærakennari

Matthías Birgir Nardeau, óbókennari

Steinunn Vala Pálsdóttir, þverflautukennari

Vignir Rafn Hilmarsson, rafbassakennari

Í forföllum Svanhildar Lóu:

Magnús Trygvason Eliassen, slagverkskennari

Þorvaldur Þór Þorvaldsson, slagverkskennari

AÐSTAÐA – TIL KENNSLU OG HLJÓMSVEITAÆFINGA

ALMENNT UM KENNSLUAÐSTÖÐU SVOM

Eins og áður hefur komið fram þá fer kennsla SVoM fram í sex skólum. Aðstaðan í skólunum er mjög misjöfn. Sum staðar er hún til fyrirmyndar en á öðrum stöðum ekki

nægilega góð og væri óskandi ef það yrði ráðin bót á þeim málum í allra nánustu framtíð.

Aðstaða til kennslu getur haft gífurleg áhrif á hlutfall nemenda skólahljómsveitarinnar við hvern skóla, til að mynda er hlutfall nemanda í Vesturbæjarskóla hæst enda aðstaða þar til mikillar fyrirmyndar.

Hér kemur greining á aðstöðu og nýtingu hvers skóla (með fyrirvara um smávægilegar rangfærslur).

VESTURBÆJARSKÓLI (HEIMASTÖÐ)

Vesturbæjarskóli er heimastöð Skólahljómsveitar Vesturbæjar og Miðbæjar. Þar hefur skólahljómsveitarstjóri skrifstofu sína ásamt aðstoðarskólahljómsveitarstjóra og gerir út skólann.

Skólahljómsveitin hefur þrjár kennslustofur til ráðstöfunar í Vesturbæjarskóla. Tvær minni og eina stærri. Við köllum þær málmblásarastofu, tréblásturstofu og slagverksstofu.

Mjög vegleg vinnuaðstaða og kennarastofa er fyrir starfsmenn SVoM í Vesturbæjarskóla, sem skólastjóri Vesturbæjarskóla úthlutaði en mjög gott samstarf er við stjórnendur Vesturbæjarskóla. Þá hefur verið gerð bót á geymslurými skólahljómsveitarinnar með háum hillum sem geyma búnað sem er sjaldan notaður.

Allir kennarar nýta sér Vesturbæjarskóla til kennslu.

Slagverkskennsla fer eingöngu fram í Vesturbæjarskóla og fer hún fram í slagverksstofu. Þar fer einnig fram tónfræðikennsla ásamt einstaka tímar annara hljóðfærakennara.

Einnig höfum við fengið að nýta tónmenntastofu Vesturbæjarskóla í kennslu eftir hefðbundin grunnskólakennsludag. Þá er matsalur skólans nýttur í hljómsveitaræfingar tvo daga vikunnar.

GRANDASKÓLI

Í Grandaskóla er kennsla kominn inn í skólann, eftir að hafa verið í frístundakofum síðustu ár. Beðið er eftir að herbergið verði tekið í gegn sem var áður salerni og ber þess merki með gulum flísum. Herbergið er rúmgott og nýtist vel til tónlistarkennslu. Tveir kennarar kenna í Grandaskóla.

MELASKÓLI

Líkt og í Grandaskóla þá var líka kennt í Melaskóla í frístundakofum. Í Melaskóla erum við líka kominn inn í skólann og kennum rými sem áður hét handbókasafn. Rýmið er við hlið kaffistofu kennara og hefur reynst vel. Þá hefur nemendum SVoM fækkað í Melaskóla sem vel má skrifa að einhverju leyti á aðstöðuleysi síðustu ára og er nú eingöngu þörf á einu rými en áður voru tvö rými nánast fullnýtt alla daga. Þrír kennarar kenna í Melaskóla.

AUSTURBÆJARSKÓLI

Í Austurbæjarskóla er kennslustofa sem er til mikillar fyrirmyndar sem við höfum alfarið útaf fyrir okkur en hana nota þrír kennarar. Þrír kennarar kenna í Austurbæjarskóla.

HÁTEIGSSKÓLI

Í Háteigsskóla er rými sem þarf að aðlaga betur að kennslu. Hurð er beint inni annað kennslurými þar sem fram fer danskennsla og vantar betri hljóðeinangrun á milli rýmanna. Þá var aðstaðan allt í einu einnig orðin skrifstofa íþróttakennara. Þetta rými væri samt tilvalið fyrir okkur til kennslu en það þyrfti að eyrnamerkja það okkur og loka millihurð og hljóðeinangra. Ekki yrði mikill tilkostnaður af því.

Tveir kennarar hafa stundað kennslu í Háteigsskóla.

HLÍÐASKÓLI

Í Hlíðaskóla hefur eingöngu einn kennari stundað kennslu síðustu ár en eru nú tveir eftir mikla eftirspurn. Bæði er kennt á tré- og málmblásturshljóðfæri í Hlíðaskóla og fer kennslan fram í yoga-sal skólans.

MÓTUN HÚSNÆÐISSTEFNU

Ég kalla eftir því að mótun húsnæðisstefnu skólahljómsveita fari í gang á þessu ári. Aðstaða skólahljómsveita í Reykjavík er afar misjöfn. Vel hefur þótt takast til í Grafarvogi og oft horfa aðrir stjórnendur þangað. Í nágrennasveitafélögum allt í kringum okkur er aðstaða fyrir Skólahljómsveitir talsvert betri en í Reykjavík. Þar má nefna að í Kópavogi

var byggt yfir skólahljómsveit Kópavogs veglegt hús með æfingasal, sjö rúmgóðum kennslustofum, skrifstofum, vinnuaðstöðu kennara og tilheyrandi geymslum fyrir hljóðfæri og búninga.

KENNSLUHÆTTIR

HLJÓMSVEITAÆFINGAR

Hjá Skólahljómsveit Vesturbæjar og Miðbæjar eru 4 hljómsveitir O(fur)-, A-, B-, og C-sveit. Í O(fur)-sveitinni eru nemendur úr 3.-4. bekk sem hafa stundað nám í nokkrar vikur, í A-sveitinni eru nemendur úr 4.-5. bekk og stundað nám í meira en ár, í B-sveit eru nemendur úr 6.-7. bekk og í C-sveit er nemendur úr 8. bekk og eldri.

Hver sveit æfir einu sinnum í viku og fara æfingar fram í Vesturbæjarskóla. O(fur)-sveitin æfir í 45 mínútur á fimmtudögum kl. 17:30-18:15, A-sveitin æfir í 45 mínútur á mánudögum kl. 17:30-18:15, B-sveitin æfir í 60 mínútur á fimmtudögum kl. 15:00-16:00 og C-sveitin æfir í 75 mínútur á mánudögum kl. 20:00-21:15.

HLJÓÐFÆRAKENNSLA

Í Skólahljómsveit Vesturbæjar og Miðbæjar fá nemendur 50 mínútur í einkakennslu á viku (2x25mín eða 20+30mín) meðan þeir eru í A-sveit. Nemendur í B-sveit og C-sveit fá 60 mínútur á viku (2x30mín eða 1x60mín). Framhaldsskólanemendur í C-sveit fá 45 mínútna einkatíma einu sinni í viku.

Í einkakennslu er kennt skv. aðalnámskrá tónlistarskóla og taka nemendur ýmist árspróf á vorin eða áfangapróf á vegum prófanefndar tónlistarskólanna. Nemendur taka oftast grunnpróf á vegum prófanefndar í lok 7. bekkjar og færast upp í C-sveit þegar þeir hefja nám í 8. bekk.

Kennsluhættir á hljómsveitaæfingum eru bæði unnið með hefðbundnum tónlistarkennsluaðferðum og óhefðbundnum eins og t.d. spuna og göngu. Nemendur spila langoftast eftir nótum en einnig er unnið með söng og klapp. Í æfingabúðum er markmiðið að vinna einnig á skapandi hátt þar sem tíminn í æfingabúðum leyfir meira svigrúm. Þá er mikið gert úr hópefli og samveru og virkja tengsl milli krakkana.

SLAGVERKSKENNSLA

Hver slagverksnemandi í Skólahljómsveit Vesturbæjar og Miðbæjar fær einn einkatíma og einn slaverkshóptíma (A-, B- og C-sveit).

Nemendur í A- og B-sveit fá 30 mínútur í einkatíma og 45 mínútur í hóptíma en nemendur í C-sveit fá 45 mínútur í einkatíma og 45 mínútur í hóptíma.

Afar mikilvægt er að slagverksleikarar vinni saman í hóptímum frá upphafi því þeir geta haft mikil áhrif á afdrif og árangur sinnar sveitar.

TÓNFRÆÐI

Skólahljómsveit Vesturbæjar og Miðbæjar hefur kennt í tónfræði í þó nokkuð mörg ár og er kennd á hraðferð á þremur árum sem líkur með samræmdu miðprófi Prófaneftndar. Nemendur hefja nám yfirleitt í 7. eða 8. bekk og ljúka grunnprófi á einu ári. Miðnámið er tekið á tveimur árum og er þá tryggt að undir venjulegum kringumstæðum líkur nemandi miðprófi í 10. bekk. Í flestum tónlistarskólum tekur tónfræðikennsla til miðprófs 5-6 ár, en reynsla þess að bjóða nemendum upp á hraðferð, eftir að hafa stundað hljóðfæranám í 3-4 ár, er góð. Árangur hraðferðarnemenda skólahljómsveitarinnar hefur mælst vel yfir meðallagi.

FORELDRASAMSTARF

Í Skólahljómsveit Vesturbæjar og Miðbæjar hefur verið rekið öflugt foreldrafélag. Síðustu þrjú ár hafa verið erfið vegna sóttvarna og ekki mikil starfsemi í gangi hjá foreldrafélaginu.

Foreldrafélagið hefur þó hjálpað til við skipulagningu og fjármögnun æfingaferða og sérstakra æfingadaga. Þá hafa verið framleiddar peysur SVoM sem er eins og stendur ein aðal fjáröflunarleið félagsins.

Öflugt foreldrafélag er ómissandi og mjög veigamikill þáttur í starfinu. Hlutverk foreldrafélagsins er m.a. að hjálpa til við að fjármagna félagslega hluta starfsins og tónleikaferðir innanlands sem utan.

Hugmyndir um foreldrafélagið í framtíðinni er að hver sveit (A-, B-, og C-) hafi sína foreldradeild þar sem einn fulltrúi frá hverri sveit myndi svo stjórn foreldrafélagsins.

FORELDRAVIÐTÖL

Öflugt samstarf við foreldra er gríðarlega mikilvægt í tónlistarkennslu. Foreldraviðtöl eru haldin einu sinni á önn. Á haustönninni hafa verið haldin einkaviðtöl þar sem foreldrar eru boðaðir í viðtöl við hljóðfærakennarann með sínu barni. Á vorönninni er haldin foreldravika þar sem foreldrar eru hvattir til þess að koma í heimsókn í tíma með barni sínu. Foreldrar eru ávallt velkomnir á æfingar og í einkatíma. Tónlistarnám er sjálfsnám og því mikilvægt að nemendur æfi sig heima á hljóðfærið. Þegar kemur að heimaæfingum er hvatning foreldra afar mikilvæg.

HELSTU VIÐBURÐIR

ÁÆTLAÐIR VIÐBURÐIR 2022-2023

Haustið 2022 fór vel af stað. Kennarar sóttu tónlistarkennararáðstefnu dagana 8.-9. september sem þóttist takast mjög vel og var samstarf stéttarfélaganna FÍH og KÍ.

C-sveit sótti Landsmót SÍSL á Akureyri 7-9 október þar sem rúmlega 200 nemendur á aldrinum 12 ára til 17 ára komu saman og mynduðu 3 risabönd þar sem hvert band hafði ákveðið þema, jazztónlist, kvikmyndatónlist og klassískatónlist.

Hausttónleikar SVoM fóru fram í Hörpu 16. nóvember þar sem alla fjórar sveitir komu fram. Hver sveit spilaði 4 lög nema O(fur)-sveitin spilaði 2 lög.

Óskalög í blásarabúningi (hátíð á vegum SÍSL) fór fram laugardaginn 19. nóvember í Norðurljósasal Hörpu og komu þar fram tvær sveitir frá SVoM, A-sveit og C-sveit.

Jólatónfundir kennara verða haldnir dagana 5. – 9. desember og svo munu nemendur spila á leikskólum, grunnskólum og elliheimilum dagana 12. – 16. desember.

Á nýju ári eru vortónleikar áætlaðir laugardaginn 25. mars og uppskeruhátíð skólahljómsveitanna í Húsdýragarðinum, miðvikudaginn 1. júní.

Ásamt því að Landsmót A- og B-sveit er í skipulagningu og verður í lok maí í Vestmannaeyjum.

ÆFINGABÚÐIR OG ÆFINGADAGAR

Æfingabúðir eða æfingadagar eru venjulega mikið tilhlökkunarefni hjá nemendum hljómsveitarinnar. Þá er farið út á land og gist í eina til tvær nætur oft í

heimavistaskólum úti á landi eða langur æfingadagur sem endar með bíóferð eða keilu. Þessir dagar eru unnir í samvinnu við foreldrafélag skólans.

Á haustönn voru æfingadagar hjá O(fur)-sveit og B-sveit. Báðir dagar fóru fram í Vesturbæjarskóla og enduðu í Háskólabíó.

Dagskrá O(fur)-sveitar, 12. nóvember:

11:00 Mæting og æfing 1
11:45 Stutt hlé með hressingu
12:00 Æfing 2
12:30 Hádegishlé og pizza
13:00 Leikir, hópefli og frjálstími
14:00 Æfing 3
14:45 Frágangur
15:00 Ganga í Háskólabíó
15:40 Bíó í Háskólabíó (Kalli káti krókódíll, 106 mín)
17:20 Krakkarnir sóttir af foreldrum í Háskólabíó

Dagskrá B-sveitar, 13. nóvember

10:30 Mæting og æfing 1
11:15 Stutt hlé með hressingu
11:30 Æfing 2
12:15 Hádegishlé og pizza
12:30 Leikir, hópefli og frjálstími
13:30 Æfing 3
14:15 Stutt hlé með hressingu
14:30 Æfing 4
15:00 Frágangur
15:10 Ganga í Háskólabíó
15:40 Bíó í Háskólabíó (Kalli káti krókódíll, 106 mín)
17:20 Krakkarnir sóttir af foreldrum í Háskólabíó

Þessar dagar eru gífurlega mikilvægar fyrir starfið. Krakkarnir sem koma úr 9 mismunandi skólum tengjast þá á annan hátt en að hittast bara á hljómsveitaræfingu einu sinni í viku. Þau eiga skemmtilegar stundir í leikjum og hangsi, þrátt fyrir að tónlistin sé alltaf í forgrunni.

Á vorönn er stefnt að æfingadegi eða æfingaferð með B-sveit. Og þá fara A- og B-sveit á Landsmót SÍSL í Vestmannaeyja í lok maí. Stefnt er að því að fara með C-sveit í utanlandsferð í byrjun júní og stendur sá undirbúningur yfir.

TÓNLEIKAHALD OG SPILAMENNSKUR

Tónleikahald og sýnileiki Skólahljómsveitar Vesturbæjar og Miðbæjar er mjög mikilvægur bæði fyrir nemendur, því að koma fram á tónleikum er ígildi margra hljóðfæratíma, og einnig samfélagið. Hljómsveitirnar koma fram á tveimur stórtónleikum SVoM, einir að hausti og aðrir á vori. Þá koma allar sveitir fram á uppskeruhátíð skólahljómsveitanna í Húsdýragarðinum. Ein vika í desember er tileinkuð tónleikahaldi þar sem farið er í heimsóknir og leikinn jólalög fyrir leikskóla og öldrunarheimili hverfisins. B-sveit mun svo heimsækja grunnskólana og leika jólalög. Á vorönn eru svo skólakynningar B-sveitar í skólunum sex sem kennsla fer fram og kynna þá starf SVoM og skemmta jafnöldrum sínum með tónum, C-sveitin heldur tónleika á félagsmiðstöð eldri borgara og A-sveitin heldur stórtónleika fyrir alla leikskóla svæðisins í Ráðhúsi Reykjavíkur. Þá taka hljómsveitirnar að sér að spila á vorhátíðum leikskóla og skóla í hverfinu.

Að auki spila allir nemendur á einkatónfundum kennara síns einu sinni á önn, jólatónfund og vortónfund. Þar spila nemendur einir á sitt hljóðfæri oftast við undirleik kennara síns.

BIÐLISTI

Það eru á milli 40-50 börn á biðlista eftir plássi hjá Skólahljómsveit Vesturbæjar og Miðbæjar samkvæmt nýjustu talningu í upphafi árs 2023, þrátt fyrir að vera sú hljómsveit sem hefur langflesta nemendur í sinni skólahljómsveit. Sá listi samanstendur af börnum úr öllum skólum hverfisins. Óskandi væri að öll börn sem vildu læra á hljóðfæri kæmust að. Námið er aðgengilegt, ódýrt og mjög félagslega uppbyggjandi þar sem félagsfærniþátturinn í starfi skólahljómsveita er mjög mikill. Þá hef ég áhyggjur að það verði reglulegt hrun í sveitum, því jafnt hlutfall af nemendum milli ára er afar mikilvægt. Hver sveit ætti að vera á bilinu 50-60 krakkar.

Ósk mín væri að Skólahljómsveit Vesturbæjar og Miðbæjar fengi úthlutað í að minnsta hálf stöðugildi, með því væri hægt að bjóða 12 nemendum nám og viðhalda uppgangi sveitarinnar. Heilt stöðugildi gæfi 24 nemendum nám.

SKÓLADAGATAL

Skólahljómsveitin starfar í 35 vikur á ári. Starfið hefst í lok ágúst og lýkur í lok maí. Starfsdagar eru 8 á skólaárinu. Sérstakir breyttir dagar eru 4 en þar eru kennarar með

nemendum í öðru en hefðbundinni kennslu. Sjá skóladagatal 2022-2023 aftast í þessari skýrslu.

ÁHERSLUR Í STARFSÁÆTLUN SFS SEM SKÓLAHLJÓMSVEITIN VINNUR AÐ

Áhersla verður áfram á að tilboð skólahljómsveitarinnar standi öllum til boða. Lögð er áhersla á að kynna tilboðið vel með skólaheimsóknum. Allir eru velkomnir og allir geta verið í náminu á sínum forsendum. Hlutverk skólahljómsveitarinnar er að veita börnum og ungmennum bestu mögulegu tónlistarmenntun í samvinnu við grunnskóla og frístundastarf, fjölskyldur og nærsamfélag.

Skólahljómsveit Vesturbæjar og Miðbæjar leggur sig fram við að vera framsækin, sýnileg, lifandi og nýjungagjörn stofnun sem laðar að sér mjög hæfa starfsmenn og nýja nemendur.

MAT Á NÁMSÁRANGRI

Allir nemendur þreyta próf á vorin. Venjan er að nemendur taki svokölluð þrepapróf sem eru próf innan skólans skv. námskrá sem skólahljómsveitir Reykjavíkur hafa unnið sameiginlega að undanfarin ár. Eftir nám í 3-4 ár tekur nemandi grunnpróf skv. námskrá tónlistarskólanna. Þá kemur dómari frá prófanefnd tónlistarskólanna og dæmir prófin. Það lítur út fyrir að hátt í 20 slík próf verði þreytt nú í vetur. Nemendur skólahljómsveitarinnar hafa komið mjög vel út á áfangaprófum.

ENDURMENNTUN

Stefna skólahljómsveitarinnar er að stuðla að stöðugri endurmenntun starfsmanna sinna. Á starfsdögum að hausti er haldinn sameiginlegur starfsdagur kennara skólahljómsveita Reykjavíkurborgar sem stjórnendur hljómsveitanna skipuleggja. Þar er venjan að bjóða upp á námskeið í tölvunotkun, spuna, kennslu barna með sérþarfir, skyndihjálp og annað gagnlegt. Þá voru settir á starfsdagar þegar ráðstefna tónlistarkennara var haldin í Hörpu dagana 8.-9. september og tókst sú ráðstefna afar vel. Þar var mikil og stór dagskrá sem kennarar fengu mikið útúr.

Í febrúar 2023 er í skipulagningu kennaraferð til Grikklands þar sem skoðaðir verða tónlistarskólar og kennsluhættir í Grikklandi. Bæði verða heimsóttir skólar og stofnanir í Aþenu og Calamata og ber þar hæst tónlistargrunnskólinn í Calamata.

LOKAORÐ

Hér eru lokaorð stjórnanda Skólahljómsveitar Austurbæjar frá árinu 2021 sem ég gæti varla orðað betur og læt þau því standa:

Það er heiður að starfa sem stjórnandi skólahljómsveitar í Reykjavík. Starfið hefur þróast á mjög jákvæðan hátt undanfarin ár. Kvóti hefur aukist jafnt á undanförunum árum og er nú 130 klst. á viku. Aðstaða í húsnæði borgarinnar hefur lagast en á þó langt í land til þess að verða fullnægjandi. Skólahljómsveitir Reykjavíkurborgar hafa verið starfandi í rúma hálfa öld án þess að nokkur tíma hafi verið gert ráð fyrir þeim. Ég tel löngu vera kominn tími á að reisa þar til gert húsnæði í hverfum borgarinnar utanum skólahljómsveitir.

Hljómsveitirnar fjórar vinna mikið saman og stjórnendurnir fjórir sækja reglulega aðstoð til hvers annars. Þeir deila nótum og lána hljóðfæri sín á milli ef þörf er á. Kennarar hljómsveitanna hittast reglulega á starfsdögum og jólahlaðborðum. Þeir eru búnir að stofna hópa þar sem farið er í heitu pottana, út og að borða og fleira skemmtilegt sem þjappar hópnum saman.

Það er einstakt að geta haldið uppi svo öfluglu lúðrasveitastarfi í ekki stærri borg en Reykjavík. Það eru ca. 520 börn að læra að spila á blásturshljóðfæri hjá Reykjavíkurborg sem öll spila í sinni lúðrasveit. Það þarf ekki að fara langt út fyrir landsteinana til þess að sjá hnignun á sambærilegu starfi í nágrannalöndum okkar. Þetta gerist hinsvegar ekki að sjálfu sér. Stjórnendur og kennarar sem starfa hjá skólahljómsveitum eru eldhugar sem lifa fyrir sitt starf. Það þarf að passa að hlúa áfram að starfinu svo það haldi áfram að dafna. Sú hugmynd að nemendur komi saman úr mörgum skólum og spili á hljóðfæri saman er afar falleg. Þetta gerir það að verkum að barn sem er undir í sínum skóla finnur ekki fyrir einelti í skólahljómsveit því þar eru allir að vinna að sameiginlegu markmiði, að skapa tónlist.

SKÓLADAGATAL 2022-2023

Skóladagatal 2022 - 2023

AGÚST		SEPTEMBER		OKTOBER		NOVEMBER		DESEMBER		JANÚAR		FEBRÚAR		MARS		APRIL		MAÍ		JÚNÍ	
1 M	Fréttir veðlunnanna	1 F		1 L		1 Þ		1 F		1 S	Myndagur	1 M	Fréttiranka	1 M		1 L		1 M	Veðuráskiptagurinn	1 F	Háskólagötunn-BO 3
2 Þ		2 F		2 S		2 M		2 F		2 M		2 F	Fréttiranka	2 F		2 S	Þráttarfundurinn	2 Þ		2 F	
3 M		3 L		3 M		3 F		3 L		3 Þ	Kennsla hefst	3 F	Fréttiranka	3 F		3 M		3 M		3 L	
4 F		4 S		4 Þ		4 F		4 S		4 M		4 L		4 L		4 L		4 Þ		4 S	Stírnadagurinn
5 F		5 M		5 M		5 L		5 M	Jóladagurinn	5 F		5 S		5 S		5 M		5 M		5 M	
6 L		6 Þ	Myndagurinn	6 F		6 S		6 Þ	Jóladagurinn	6 F	Þrettándin	6 M		6 M		6 F	Stírnagurinn	6 L		6 Þ	
7 S		7 M		7 F	Lendarnd SÍSL - C-sveit	7 M		7 M	Jóladagurinn	7 L		7 Þ	Dagur tölvuræðlans	7 Þ		7 F	Fréttirangurinn langi	7 S		7 M	Stírnall grunnskóla
8 M		8 F	ST4 (Rúðstína Kennara)	8 L	Lendarnd SÍSL - C-sveit	8 Þ		8 F	Jóladagurinn	8 S		8 M		8 M		8 L		8 M	Töfnabírd	8 F	
9 Þ		9 F	ST5 (Rúðstína Kennara)	9 S	Lendarnd SÍSL - C-sveit	9 M	Töfnagurinn 2	9 F	Jóladagurinn	9 M		9 F		9 F		9 S	Þekktagurinn	9 Þ		9 F	
10 M		10 L		10 M		10 F		10 L		10 Þ		10 F		10 F		10 M	Annar í þessum	10 M		10 L	
11 F		11 S		11 Þ		11 F		11 S		11 M		11 L		11 L		11 Þ	Kennsla hefst	11 F		11 S	
12 F		12 M		12 M		12 L		12 M	Opn eiting - Jóladagurinn	12 F		12 S		12 S		12 M		12 M		12 M	
13 L		13 Þ		13 F		13 S		13 Þ	Opn eiting - Jóladagurinn	13 F		13 M		13 M		13 F		13 L		13 Þ	
14 S		14 M		14 F		14 M		14 M	Opn eiting - Jóladagurinn	14 L		14 Þ		14 Þ		14 F		14 S		14 M	
15 M		15 F		15 L		15 Þ		15 F	Jóladagurinn (vax)	15 S		15 M	Töfnagurinn 3	15 M	Töfnagurinn 4 (Eftir)	15 L		15 M		15 F	
16 Þ		16 F		16 S		16 M	Háskólagötunn-BO 1	16 F	Jóladagurinn (vax)	16 M		16 F		16 F		16 S		16 Þ		16 F	
17 M		17 L		17 M		17 F		17 L		17 Þ		17 F		17 F		17 M		17 M		17 L	Lýðendadagurinn
18 F		18 S		18 Þ		18 F		18 S		18 M		18 L		18 L		18 Þ		18 F	Uppstigningardagurinn	18 S	
19 F	Stírnall grunnskóla ST1	19 M		19 M	Töfnagurinn 1	19 L	Óskólagurinn-Þekktur	19 M	Jóladagurinn (vax)	19 F		19 S	Kennagurinn	19 S		19 M		19 F		19 M	
20 L		20 Þ		20 F		20 S	Dagur minniháttis barna	20 Þ	Jóladagurinn (vax)	20 F	Þrettándagurinn	20 M		20 M		20 F	Samfundagurinn fyrsti	20 L		20 Þ	
21 S		21 M		21 F	Hausfrí	21 M		21 M		21 L		21 Þ	Sprengingurinn	21 Þ		21 F	(Stírnagurinn)	21 S		21 M	
22 M	ST2	22 F		22 L	Fyrsti vetrardagurinn	22 Þ		22 F		22 S		22 M	Óskólagurinn-ST6	22 M		22 L		22 M	Vorinundurinn	22 F	
23 Þ	ST3	23 F		23 S		23 M		23 F	Þekkturinn	23 M		23 F	Vetrarþingi	23 F		23 S		23 Þ	Vorinundurinn	23 F	
24 M	Kennsla hefst	24 L		24 M	Hausfrí	24 F		24 L	Óskólagurinn (vax)	24 Þ		24 F	Vetrarþingi	24 F		24 M	Stírnagurinn	24 M	Vorinundurinn	24 L	
25 F		25 S		25 Þ	Hausfrí	25 F		25 S	Jóladagurinn	25 M		25 L		25 L	Háskólagötunn-BO 2	25 Þ	Stírnagurinn	25 F	Vorinundurinn	25 S	
26 F		26 M	Fréttiranka	26 M	(Stírnagurinn)	26 L		26 M	Annar í þessum	26 F		26 S		26 M	Stírnagurinn	26 M	Stírnagurinn	26 F	Stírnall kennsludagurinn	26 M	
27 L		27 Þ	Fréttiranka	27 F	(Stírnagurinn)	27 S		27 Þ		27 F		27 M	(Stírnagurinn)	27 M		27 F	Stírnagurinn	27 L		27 Þ	
28 S		28 M	Fréttiranka	28 F		28 M		28 M		28 L		28 Þ	(Stírnagurinn)	28 Þ		28 F	Stírnagurinn	28 S	Háttarfundurinn	28 M	
29 M		29 F	Fréttiranka	29 L		29 Þ		29 F		29 S		29 M	Áskóti	29 M	Áskóti	29 L		29 M	Annar í Háttarfundunni	29 F	
30 Þ		30 F	Fréttiranka	30 S		30 M		30 F		30 M	Fréttiranka	30 F		30 F	Áskóti	30 S		30 Þ	ST7-Stírnall	30 F	
31 M			31 M					31 L	Gamladagurinn	31 Þ	Fréttiranka			31 F	Áskóti / Áttatugurinn			31 M	ST8		

Samkvæmt kjarasamningi sveitarfélaga við Kennarasambands Íslands skulu skóladagar nemenda vera 175 á tímabilinu 20. ágúst til 10. júní. Sérstakir starfsdagar kennara á starfstíma nemenda eru þrír og skulu ákveðnir af skólastjóra í samráði við kennara og með hlífðun af Kennarasamningnum. Starfsdagur kennara utan starfstíma nemenda eru 8.

Kennsla	6	20	16	22	21	15	23	12	18	
Stírnagurinn	3	2		1		1	1		2	
Þekkturinn										1
Stírnagurinn		2				2		1		